

澄城縣志卷十八

陵墓

廣輿記載盤古氏陵凡三見以荒渺難稽之蹟爲神明不朽之稱墟墓生敬古有然已澄邑偏在郡北古史無徵載諸舊冊者皆疑以傳疑耳茲仍沿書之而詳加考訂焉寰宇記首述冢墓而謂荆軻墓在東京今郟陽又別有軻墓以任俠尚氣者流猶引以爲重矧聖君賢相之遺迹其敢不憑式乎今之所錄此物此志也

殷成湯陵

大平御覽引韓詩內傳湯爲天子十三年年百歲而崩葬於徵今扶風徵陌是也孫星衍曰書傳云湯陵在濟陰成陽惟韓詩以爲在此其說未知何据或恐誤以亳王號湯者當之耳

亞熊按殷成湯墓在今山東曹州府曹縣城東南前有饗殿後有大塚螭首大碑泐曰殷成湯陵其地卽古北亳地書傳所云濟陰成陽者是濟陰卽曹州地名成陽卽曹縣也每歲春秋地方有司致祭遇

慶典遣官歷代不改熊前在荷澤因公過祠下馬恭謁又讀曹縣志言之鑿鑿吾澄何以得有此陵恐韓詩內傳紀述有訛至謂亳王號湯亦未詳所据不足信也

夏伯成子高墓在縣東十里西下冢高丈餘周圍三十步其上古柏森然生棘無曲刺墓前有廟三楹內肖夫婦袍笏

二像碑碣無存宋政和中重修有斷碑今失
舊志洪亮吉曰伯成子高祠墓俱在澄城疑子高卽此縣
人否則辭諸侯而耕於野者或卽在此今將莊子呂氏春
秋及淮南王書所載者附錄於後

莊子天地篇伯成子高立爲諸侯堯授舜舜授禹伯成子
高辭爲諸侯而耕禹往見之則耕於野禹趨就下風立而
問焉曰昔堯治天下吾于列爲諸侯堯授舜舜授予而吾
子辭爲諸侯而耕敢問其故何也子高曰昔堯治天下不
賞而民勸不怒而民畏今子賞罰而民且不仁德自此衰
刑自此立後世之亂自此始矣夫子闔行邪無落吾事俛
俛乎耕而不顧呂氏春秋淮南子等書文大同小異茲不

澄城縣志

卷十八

陵墓

一一

備錄

亞熊按伯成子高舊志列入仙釋與佛圖澄同註引魏夫
人傳以證之至後冢墓門又引酉陽雜俎與此少異亦未
言其仙俱云柏成納氣而胃腸三腐其餘所引均不離導
引者流自係以仙視之不必定爲何代人也乃因宋政和
中重修廟墓斷碑指爲宋以前人未免蛇足至洪稚存則
引莊子等書謂堯舜時諸侯至禹時辭諸侯而耕於野各
語直定爲夏時人更支離矣且莊周等書多係寓言安知
伯成子高不與宋人緝緝者同一烏有亡是邪呂氏淮
南鈔襲陳言更不必言矣

東晉佛圖澄墓在西郭舊文廟南下俗傳爲澄藏骨處按神

僧傳晉穆帝永和四年十二月八日澄卒於鄴宮寺窆於臨漳新紫陌初石虎殮澄時以生時錫杖及鉢納棺中後開棺惟得錫杖不復見屍或云澄死之日有人見澄於流沙今此地云有墓未知是否邑人張雲谷詩云不知燼骨埋何地猶指宣尼廟下塋謂此墓也

唐魏氏墓在縣北太賢村相傳魏徵墓俗名海子陵按徵陪葬昭陵在今醴泉縣此不應復有徵墓或徵之子孫也通志徵有賜莊於澄城子孫世居焉此墓爲徵子孫之藏無疑舊志墳中螭首碑數通豪家利其地盡沒之嘉靖初人訟之官有司莫能究也

洪亮吉日明同州志及舊志皆云徵墓蓋本流傳之誤否

澄城縣志

卷十八

陵墓

三

則徵子旣居澄城後葬徵衣冠於此以便祭掃亦未可定今依通志題爲魏氏墓庶不失實云

宋楊宣撫墓在縣東南三十里

舊志宋楊業之後有碑爲人竊去今其裔世官播州亞熊按楊宣撫墓地爲澄郃兩界在澄城縣東南三十五里乾隆四十年間兩縣居民爭地上控案結後畢大中丞秋帆先生沅立石墓前表曰宋宣撫使楊公永慶墓墓在東西路南路北有祠中塑宣撫像裳衣無冕詢之士人每年春二月有香火會以墓旁可耕地四十畝爲之貲東郃西澄歷久不絕無所謂楊業之後明文考之宋史亦無可据但居民相傳爲楊令公墓並名此地爲楊家塋云舊志

所云未詳考耳又邵陽志云西馬村有宋防禦使楊永慶墓仍誤稱防禦使爲宣撫矣舊有墓碑爲人竊去塋地數頃與澄壤相接云

金師節婦墓在縣南雷莊村有墓表一通進士王嘉猷撰今毀惟有明昌三年八月原降省符碑一通今亦失金隆州錄事進士郭黻試作師節婦序傳贊見藝文

明

潘尙書友直墓在縣北遮路村東舊志墓田廣五十餘畝縣南鎮基村有友直父墓前有敕修碑今失猶有翁仲存焉明嘉靖改元例修名臣墳墓移檄於縣有司以受代而寢雷御史恭墓在縣西北三十里洛城村或云恭葬戍所今止

澄城縣志

卷十八

陵墓

四

有恭父清墓舊志有廬陵曾榮所撰墓碑今失

石道立曰澄城陵墓世遠傳訛不志可也然蒼梧九疑史亦並載魯衢五父過者興哀矧衣冠弓劍藏以爲墓又古人所不廢因疑而盡削之則司墓之祭亡而採樵之禁弛矣故志之所以存古蹟係民思其真與僞又何暇深辯哉許郎中英墓在縣東壯頭村子同知世昌墓在縣南纂業村石明經道立墓在縣北咸和村

路同知車墓在縣南門外南三里官路東

馬知縣自渭墓在縣東三里楊家莊村東蒲城屈灼撰墓志杜通判一岸墓在縣東南一里許

白通判据墓在縣東門外

王教授崇教墓在縣西北路井村子知縣拱極祔

王教授寵墓在縣東柳池村韓城張邦俊撰墓志

孫封公繼正墓在縣西要顯村子僉憲士髦遇難山西洪芝

驛招魂歸祔

王封公崇典墓在縣西長閭鎮東同州王洪祖撰墓志後遷

葬路井村子知縣廷賓殉難有衣冠塚祔

韓給諫一良墓在縣南西觀村東南舊志一良清貧不能舉

後事惟封土而已墓志爲明進士孫瞻園士髦所撰今墳

前有陳畱縣封贈碑一通

路通判從廣墓在縣南門外南阡子知縣世美祔

國朝

澄城縣志

卷十八

陵墓

五

楊知縣本春墓在縣南纂業村東

白郎中意墓在縣西南長閭鎮曾孫訓導有涵孝廉鴻儀祔

姚知縣肅規墓在縣南業善村西邵陽侯太史來旌撰墓表

路徵君一麟墓在縣南門外南阡子訓導畿孫明經小千祔

游太史得宜墓在縣西南長閭鎮

党知縣偉元墓在縣北隴頭村張秉直撰墓志

張羅谷秉直墓在縣西北張家莊子明經南金祔

白知州濬墓在縣南勸母村子教諭廷梁祔

白教授凌雲墓在縣西長閭鎮

白知縣明禮弟訓導明智墓俱在縣西南蘭莊河

姚知州廷儀子御史堃墓俱在縣南業善村

韓明經念祖墓在縣南西觀里子明經伯熊祔

雷文學校墓在縣東南雷家河安慶戴漢翔撰墓表

東員外郎榮甲墓在縣南東白村西姚御史堃撰墓志

白矯亭健翮墓在縣西長閨鎮

高知州攀桂子知州凌漢墓俱在縣北牙曲村

王進士振江墓在縣東柳池村西

任訓導郅隆弟仰伊墓俱在縣西安里村盤屋路德撰墓志

疑塚

附

縣南業善鎮南原有古塚三相距數十步高約三丈圍約十餘弓土人呼爲漢塋無碑碣可攷舊志不載附記于此

迷塚

附

澄城縣志

卷十八

陵墓

六

唐爾朱達墓在澄城縣武安鄉

玉麟按唐廣平程彥矩撰爾朱達墓碣前題唐故銀青光祿大夫檢校太子賓客兼監察御史柱國河南爾朱府君墓碣并銘文曰府君其先河南郡人也曾祖祐任主客郎中祖澤同州韓城令厥考弁歷左金吾引駕仗押衙銀青光祿大夫檢校太子賓客俱積德行夤緣車服府君諱達字正道少儻有氣不謹小節雖家藏巨萬視之箠然輕玉帛若糞土重然諾不顧千金議者曰斯亦豪傑人耳初職繫懷州軍事押衙後改授山南東道節度散兵馬使始銀青光祿大夫檢校太子賓客兼監察御史由山南授東都畱守押衙其階口檢校官口監察仍舊勳加柱國以府

君之用心磊落蔚有才智觀其 必可捍難 敵揣其義
必可赴湯蹈火則其位殆不稱 然心 度有

規將構第渚宮豈止於榱桷宏壯薨棟膠

去卑濕結峻宇以疎氣鑿巨沼以瀦流竹樹森羅

郡內幽絕罔有鄰比世居馮翊慈親在焉府君

遙不克迎養同氣八人更迭定省悉著行

公事開連計司輓運之勞咸稱幹鹽每休退 家屬

間友愛睦如也里巷蓋多府君之能 以仰止

未嘗不應人由是歸嗟乎未及下壽以其年五

月六日 卒於江陵府無竟里私第享年卅有九娶河

南 男一人春郎六歲歲女相 六歲歲用當年十

澄城縣志

卷十八

陵墓

七

一月 叶歸葬同州澄城縣武安鄉永平管親第

遜 特以哀命見請銘于貞石文曰彼蒼者天

福禍茫然欲問其緣杳冥無言 曷有後先積善

何爲報應元元孰云有後 期慶 在于他年

考縣境東北將軍山下有武安村卽唐之武安鄉也太平

寰宇記作自宋人已有八鄉不可考無惑乎墓趾之難尋

矣是碑今存邵陽朱家河祠內關中金石記稱朱家河本

名大谷河世傳爾朱之後改爲朱氏居于河濱因建達廟

砌此碣于內河距武安村僅十餘里其碑應自墓前移去

惜年代已久無人能指其處寒燐蔓草徒勞憑弔附記于

後并錄全文以爲訪古之一助云